

Ductore Jehovah!  
DISCURSUS PHYSIOLOGICO-LOGICUS,

*De*  
**OPERATIO-**  
**NIBUS**  
**INTELLECTUS**  
**HUMANI,**

Quem

*Consensu amplis. Facult. Philos.*  
*in Reg. ad Auram Acad.*

SUB PRÆSIDIO

*VIRI Amplissimi*

Dn. ANDREEAE  
**PREGG,**

Poeeos Professoris Reg. & Ord.

Pro Gradu Magisterii

*Publ. cand. phil. examini modeste submittit*  
*Alumnus Regius.*

**JOHANNES FORTELIUS**

Biörneburgensis.

*Die Deo volente 17. Junii An. MDCCXXIX.*  
*Loco horisque solitis.*

---

ABOÆ, Litteris MERCKELIANIS.

*Lambelmann.*

ОПЕРА  
УИБУ  
СУДЕСТИИ  
ДИАМОН

ДИАМОН  
ДИАМОН

ДИАМОН

ДИАМОН  
ДИАМОН

ДИАМОН  
ДИАМОН

ДИАМОН

I. N. 3.

**N**on sine causa veteres illud suum  
γνῶσθι οὐκέτο semper in ore  
habuerunt. Voluisse videntur, ut  
quam diligentissima consideratio-  
ne singuli in se ipsos descendant, eo enim  
pacto, ut stupendam diversissimarum in  
homine partium, animi corporisque com-  
positionem taceam, mirandas mentis in-  
primis dotes cognituros, quibus *divinum*  
*inter animalia miraculum* homo à Platone  
dicitur, & hinc existentiae suæ essentiæque  
causam, atque ex ea felicitatis fontem &  
incrementa; cognitionem a nore inque Au-  
ctoris, acquiescendi in aliis extra se rebus  
cupidinem, & contendendi ad perfectiora  
studium ac voluntatem. Sed nec id solum  
reflectendo ad animi intima consecuturos,  
donec querendo semper objectum, quod  
suum desiderium sistat, & in quo veluti vi-  
tae suæ sustentaculum habeat, ideam puta

A

Entis

Entis perfectissimi, quod cogitationi suæ cupidæ notam impressisse sui essent intellegendi, propensamque ad se dedisse facultatem; ipsam quoque deprehensuros intelligendi potentiam tanta dignitate excellere, ut sibi admirationem non debeat non Movere maximam. Hac enim mentem, & illius, quod agit, fibimet consciam esse visuros, & in dirigendis, in quas fertur, propensionibus tutam. Hanc idearum omnium conceptaculum, hoc principium conceptuum oinne & originem, cumque finita sit, ad infinita tamen, mirabile dictu! se extendere: unam, fixam, permanentem, qua formas tamen, quas successive induit, maxime variabilem. Has principis facultatis nostræ subordinatas levi penicillo adumbrare operationes, earundemque structuram, inter se cohærentem connexionem, operandi modum atque dispositionem, pro supellectili ingenii, quam mihi ad rem arduam digne tractandam sentio esse quam exiguum, considerare mihi non insuave putavi. Ut autem suo lenocinio experiundi in gravi adeo materia vires, necessitatem mihi quandam impo-  
suit tractatum paulo ante de iisdem intellectus operationibus, quatenus constitui queant

queant objectum Logices, argumentum;  
ita suscep<sup>t</sup>e novæ opellæ me non pœnitere  
putabo, si candidam Tuam, B. L. super  
eadem censuram, iterum mihi erit inte-  
grum expectare.

## SECTIO I.

*De intellectu ejusque obiecto, & A-  
gente & paciente.*

### §. I.

**Q**uanquam mens prætantissima illa pars  
nostræ, cum ad opus suum, hoc est  
ad indagandas res sublimiores se attollit,  
prima quidem specie experiatur, plurimas  
sibi obstare difficultates, eas tamen omnes  
licet non simul aut semel, suo tamen tem-  
pore, suoque modo potis est superare.  
Hinc rerum omnium momenta intueri,  
cognitionis varietates & modos sua ipsius  
natura excellentiores formare, arduis ad-  
hærere, seria diligentius tractare, omni-  
bus considerandis, dum sedulitate molles-  
cant, debitam justamque moram adhibere  
audet. Tot tantarumque functionum mo-  
limina ex anima proficiisci subolere est, &

A z

hinc

binc in ipsam ejus essentiam quodammodo prospicere. Nam inde , quod cogitatione ejus absolvi munia in confessio est , non sat tis ad affirmandum esse putamus , quod multis placet , clariorem nos animæ ideam vel conceptum , quam corporis habere , & nibil clarius à nobis , quam menteū seu spiritum cognosci.

§. II.

Quod enim concipere in mente nihil possumus præter cogitationem , cuius adeo nomine actus ejus venire debeant singuli , sive affirmatione insigniantur , sive negatione , sive volitione , imaginatione aut alio quo cunque , illud quidem tale non est , quod persuadere possit cogitationem principium operationum mentis absolute primum esse , & quale ejus essentiam exhibiri debeat. Cogitatio enim sive determinata ad certa objecta fuerit , sive indeterminate accipiatur , principium seu caussam agentem requirat necesse est. Hanc autem , utpote subiectum potentia cogitandi instructum , ab actione distinctam illaque natura priorem esse , qualis actioni spiritum finitorum omni supponenda erit , rationi conveniens est. Cogitationem ergo , quoniam ultimum illud est , quod in mente cognoscitur , pri-

mum

num animæ attributum & præcium proprietatem esse, non ejus essentiam constituerre patet. Et quamquam præterea sensus interior seu conscientia, quod actu ipso in mente semper existat, ut per eam non possit non certa eorum esse quæ agit aut patitur, manifestam reddere mentis essentiam videatur, ad principium tamen ejus constituendum nec illa satis, ut venditare placet, idonea est. Nam & hæc, ut ut ab ipsa plane inseparabilis. & cogitationes se ipsa priores presupponit, cum earum nemo, antequam cogitavit, esse conscientius dici possit. Præteriri & hoc non debet, verum equidem esse, ad essentiam mentis utramque & cogitationem & conscientiam pertinere, cum tale, ipsius quoque Aristotelis judicio, sit omne illud, sine quo intelligi essentia nequit; sed hoc tamen eo non valere, ut se pro essentia rei exinde & principio ejus constitutivo, alterutra istorum probet, cum potius mentis essentiam utraque consequatur & attributum ejus essentiale audiat.

### S. III.

Hac cogitandi vi nos efficere susperius innuimus, ut in ipsam mentem, substantiam illam cogitantem prospicere, quamquam obscure nimis. & veluti per nubes

queamus. Ex ea deinde uberrimum idea-  
rum proventum , mentis modos & cogita-  
tiones prodire palam est , quæ omnes per  
*intelligendi vel appetendi* vim se explicant:  
adeo ut nihil prorsus in mente sit , quod  
non alterutri istarum facultatum competit.  
Et hæ tamen , ipsæ nec inter se , nec à  
mente ipsa , realiter discrepant , sed sunt  
diversi tantum cogitandi modi , immo mens  
ipsa diversimode considerata. Nos missis  
illis , quibus se mens determinat , in con-  
templatione operationum intellectus pau-  
lis per , quoad per ingenii tenuitatem eas  
licebit expendere , manebimus.

#### §. IV.

Atque hic , si de eo paucis dicendum sit,  
ad quod in universum attendit intellectus ,  
nemini obvium non erit , contemplationi  
ejus fisti res omnes tam *materiales* quam  
*immateriales* ; ut ita ab objectorum varie-  
tate in tres quasi species diffundi facultas  
cognoscendi dicatur ; sed ex quibus *pura*  
res nulla corporis similitudine affectas , ut  
rationes rerum vel substantiæ omnis exten-  
sionis expertes , contueri ; reliquæ autem  
*imaginativa* videlicet & *sensualis* à corpore  
aliquo modo dependere , resque in concre-  
to , sive ideas figura & proportione accom-  
moda-

7

modatas ad res corporeas & singulares contemplari intelligantur. Quod si unde ideæ oriантur quævis, quarum tanta in intellectum vis irruit, cum singula inter tot sententias, quibus in diversum hic abire eruditos video, in maxima festinatione excutere non detur, verbo tantum, quid videatur, indigitaverim; tutissimum statui ideas à sensione extetna per *sensus*, vel interna per *meditationem* imprimi. Quod si innasci quædam dicantur, quod facultate eas formandi mens gaudeat, nec ullæ statuantur tales, quæ sunt ab ortu ipso formaliter impressæ, aut ad modum dispositarum in porticibus imaginum, à mentis essentia reapse diversæ, nullæ erunt ideæ, quæ non hoc pacto innatae dicantur, quibus sic in unam classem translatis, in *innatas* & *adquisitas* distinctio cessaret.

### §. V.

Ceterum quod intellectum dividi in *activum* & *passivum* videamus, de eo quoque antequam ad operationes ejus mentem intendero, paucis inquirere non erit alienum. Atque hic primo quidem confessam tantum non omnibus rem esse, & manifestam puto, intellectum, cum ad objectum attendit, speciem in cerebro receptam

per-

percipere, istaque perceptione ad ideam in se excellentiorem exprimendam excitari, adeoque cum percipiendo animadvertisat speciem ab objecto profectam, eaque tanquam causa occasionali deducatur ad ideam ex se eliciendam, mutari. Interim, quamquam ita mutationem quandam subeat & afficiatur, non ideo omni eum agendi vicere recte statut ab eruditis deprehendo. Nam recipiendo speciem actum utique intelligendi una producit; nativa enim & infusa vi ideam in se & depingit modo quodam eminenti, & contemplatur, & claram distinctamque efformat, præterea etiam cum alia comparat, distinguit, ac tandem de eo judicat. Patere adeo hinc cuivis existimare est, quid distinctioni intellectus in agentem & patientem locum fecerit. Sed ut huic non refragamur, ita ab eorum tamen sententia procul absimus, qui intellectum agentem à paciente vel reatu, vel ictem speciali & proprio quodam munere, quo ille ad illustranda phantasmata imprimendasque intellectui passibili species gaudeat, differre statuunt. Hi enim cum indignum putent, facultatem spiritualem, à phantasmatis corporis ad gignendam cognitionem improportionatis fecundari, necessa-

cessarium esse arbitrantur, ut particulae ex objecti qualitatibus quibusdam realibus, per sensus subeuntes, & à vi imaginatrice ad species imprimendas perfectius elaborantur, beneficio intellectus agentis, primum ab omni face materiali purgentur quasi & intellectui deinde patienti exhibeantur: cuius postea effet eas excitare, & ex iis conceptis novas parturire notiones, quæ species illis dicuntur expressæ, ab impressis illis progenitæ. In hoc autem generandæ cognitionis processu, si non aliud, hoc certe sine contradictione dici non potest, intellectum agentem depingere objecti imaginem, non tamen intelligere; speciem absolutiorem proferre, nihil conspicere, cum hoc demum munus ut existimant, intellectui possibili transcribendum sit.

### §. VI.

Nihilo tamen minus cum his quidem de eo facile nobis conveniet, quod phantasma corpora in ipso intellectu excipi non queant, aut spiritualis facultas rebus corporeis moveri; sed ejusmodi tamen speciebus, quæ ab intellectu agente illustrari debeant & mox imprimi, & hinc à paciente conceptæ exprimi, mentem ad actum intellectus exercendum non indigere putamus.

Simpliciter functiones intellectus explicari  
 præstabat: mentem phantasmata, hoc est,  
 motiones quasdam ab objectis profectas in-  
 que medio cerebri per sensum communem ex-  
 ceptas, vi intime unionis, que inter ani-  
 mam & corpus intercedit, percipere, iisque  
 ad alias illis multo perfectiores imagines ex-  
 primendas excitari. Negari enim non de-  
 bet, quin notionem objecti eminentiori  
 modo mens formet, quam ut à specie ad  
 cerebrum oblata produci queat, tantum  
 abesse putamus, huic ulla ratione tribui  
 posse, quod similitudinem objecti referre,  
 aut ejus quandam in mente imaginem ex-  
 sculpere valeat. Quod quidem non fieri,  
 animo ex motu corporis aliquo ad cogi-  
 tandum impullo, cum facile sit cuivis, qui  
 rem penitus consideraverit, videre, quan-  
 to id minus affirmare conveniet in rebus,  
 quas intellectus agens in intellectiles com-  
 mutatas imprimit? ut cum vel suarum af-  
 fectionum conscientia est, vel rerum varios  
 respectus, virtutes, aut ipsum Deum, con-  
 siderat. Cujusmodi actu intellectus, quan-  
 quam cum cerebri aliqua impressione, aut  
 spirituum motu conjungantur, plane non  
 opus est excitari speciebus ad quas, ut con-  
 tendunt, illustrandas intellectus agens gerat

nego-

*negorium.* Manet igitur intellectum reapse eandem potentiam esse, pro diversa tamen habitudine, sine ulla distinctione reali, nunc ut agentem considerari, nunc ut patientem, quatenus ad actum intelligendi & producendum & una recipiendum promptus & efficax est.

## SECTIO II.

### *De Intellectus operandi modo.*

#### §. I.

**O**stenso igitur, pro ingenii modulo, in superioribus intellectus objecto, tum ut circa illud *vel passive* se gerit, recipiendo speciem, *vel active* exprimendo ideam, instituti non minus quam propositæ brevitatis ratio postulat, ut ejus quoque operationes in specie, quatenus permiserint vires, perstringam. *Quanquam autem non desint, qui has meras perceptiones esse, & eatenus tantum inter se differre contendant, quatenus vel simplices sunt vel magis & minus compositæ, persuasi ea imprimis ratione, quod in iudicio & ratiocinatione non aliud intellectus agat, quam quod opere tur*

in simplici apprehensione; in singulis enim intellectum percipere: scilicet in judicio relationem vel consensionis vel dissensionis inter res geminas simplices, in ratiocinatione vero earundem relationem inter duas pluresve relationes, per æque ac fit, cum simplici mentis obtutu rem quamquam sine relatione ad aliud percipit. Sed si recte judico, huic sententiæ subscriptent illi, qui intellectum esse mere passivum urgent, translatō ad voluntatem judicandi actu, quasi consensum dare aut negare rebus cognitis intellectus nequeat, nisi cum mens velit, quibus adeo judicium consistit in determinacione, & determinare, velle, judicare pro eodem habentur. Nos, quanquam voluntati parere actus intellectus concedamus, tum qua eorum exercitium, tum quandoque etiam qua specificationem, ipsum tamen examen & rei dijudicationem intellectui vindicandum contra statuimus, eumque non solum percipere objecta, sed expresse etiam, quasi pro tribunali sedeat, pronunciare illorum inter se convenientiam aut disconvenientiam firmiter asseveramus; Unde non posse non ad liquidum patere existimandum, intellectus operationes omnes non nudas perceptiones esse, & in passione con-

consistere, sed quasdam actionem quoque notare.

### §. II.

In dictas autem operationes proprius inquisituro, verbo innuere sufficiat, aliud eas non esse, quam cogitandi modos, formaliter tamen diversos. Ad numerum deinde illarum, cum is proxime ineundus sit, quod attinet, magni habendam censeo divisionem earum receptissimam, in Apprehensionem rerum, judicium nudum, & Judicium illatum sive Ratiocinum; vel enim rem sive ideam ejus simpliciter apprehendimus, vel duas inter se ideas, conjungendo vel separando, comparamus, vel tertiam prioribus duabus addimus, ut ex illarum cum hac convenientia vel pugna, veritas aut falsitas appareat. Cæterum mihi dum in harum contemplatione subsisto quanquam ad indicatum numerum plures referendas esse non contendam, in nonnullis tamen quæ eundem finem non minus quam recensitæ illæ faciunt, exercere ingenium placuit; quas proinde, sed perfunctorie saltem describere nunc juvabit.

### §. III.

*Perceptio*, quæ prima est, & mentis passionem juxta notat, circa ideam plenius

cognoscendam occupatur ; dicta *simplex perceptio*, quia per hanc objecti sive ideæ mens conscientiam redditur. Hac intellectus ideas earumque convenientiam vel disconvenientiam cum animadversione quadam, sine affirmatione tamen atque negatione concipit atque adprehendit. Causam hujus operationis non aliam allegandam esse patet, quam ipsum intellectum convertentem se ad receptam ideam, quatenus cum animadversione quadam sibi & objecto suo præsens quasi est, & ad hanc suam operationem bene attendit. Per hanc enim animadvertisit intellectus id, quod ei repræsentatur : deficiente vero animadversione, nulla sequitur perceptio, etiamsi omnes circumstantiae, receptionem plene perfecteque absolutam fuisse indicent. Hæc eadem animadversio, perceptionem satis à receptione distinguit ; ut enim hæc nuda conversio est ad ideam, cum eam non producat, aut præsentem sistat, sed sibi oblatam accipiat, præsentemque ponat ; ita illa adjunctam animadversionem habet, qua intellectus conscientius fit ejus, quod percipitur. Hanc passionem intellectus excipiunt ejus actiones, quarum prima est *Contemplatio*, qua intellectus ideam perceptam

sub

sub conspectu suo retinet. Hujus operationis quemadmodum varius est gradus. dependens ex idearum varietate, prout illæ adæquatæ vel inadequatæ, obscuræ aut manifestæ fuerint; ita in omnibus tamen maxime est necessaria, habito imprimis respectu ad finem. Et sicut perceptio omnis cognitionis nostræ initium est; ita nec ideæ, nec propositiones sine contemplatione fieri possunt perspicuæ. Ab antecedente perceptione differt pleniori circumstantiarum consideratione, ut in sequentibus major vis atque vigor patescat, ad idearum manifestiorem relationem adprehendendam. A subsequentibus vero operationibus eo tantum, quod circa unam etiam ideam versetur. Ea tamen est aliquando hujus varietas atque inconstantia, ut intellectus contemplandis ideis altius immersus representatione novarum revocari possit à prioribus, quibus erat attendendum, ut easdem deserat, ad alias vero, quæ recentissime impressæ sunt, sese convertat atque conferat. Ad meliorem adhuc, in contemplatione idearum, successum, Recordationem intellectus, cui tertiam impendat operationem, adhibet, qua dimissi ex conpe-  
ctu objecti ideas, ope memoriae repetit.

Quod

Quod enim objectum contemplationi præsens erat, recordationi absens est, adeoque non nisi per repetitionem idea fieri potest, unde evidentior non modo veritatis investigatio, verum certitudo etiam exploratior aliquando comparatur & confirmatio major. Imprimis vero vis hujus operationis atque usus maximus & necessarius erit non tantum in subsequentे idearum collatione atque comparatione inter se, sed etiam adplicatione veri ad utilitatem. Communicatio autem idearum, ex hac operatione intellectus, atque receptaculo memoriæ fit simpliciter adhuc, donec cognitio plana atque evidens comparetur, & ex ingenio per alias subsequentes operationes excellentiori modo procedat, tandemque à judicio perfecte absolvatur. Repte igitur hæ tres primæ atque specialissimæ operationes *Memoriae*, tanquam primæ mentis nostræ actioni specialiori, tribuuntur, cum reliquæ duæ, nempe *Ingenium* atque *Judicium*, quibus Deus eam instruxit, ideis jam apprehensis inserviant. Hæc enim tantum à sensione, vel externa vel interna, haustas ideas sibi imprimit atque per contemplationem retinet, & recordationem iterum iterumque revocat, tandemq; in promtuario

tuario suo diligentissime custodit atque as-  
servat, ut suo tempore rursus reddat in u-  
sum ingenii atque iudicii. Hinc Clariss.  
Syrbius: *Quando percipimus ideas cuius-  
vis generis, contemplamur phantasmatu-  
recordamur, semperque intelligimus atque  
cognoscimus aliquid.* Sola receptio cogni-  
tionem non absolvit, quæ potius in actio-  
ne consistit, & receptio multis aliis etiam  
tribuitur, quibus perceptio atque contem-  
platio non competit, ut speculo, quod  
imagines rerum, loco & situ ei responden-  
tium recipit, sed non percipit. Nec ta-  
men nuda perceptio ab olutam atque evi-  
dentem rei cognitionem adbuc acquisivit,  
licet primam difficultatem in ejus enoda-  
tione sustinuerit, cui postmodum plenio-  
rem addit illustrationem contemplatio,  
moram temporis majorem impendendo in  
ejus investigatione, donec tandem ex Me-  
moriæ penu facta omnium idearum repeti-  
tione, plenior producatur adprehensio ab  
intellectu cognita atque notata, quæ alias  
reflexio appellari solet.

#### §. IV.

Licet præcedentes, quas enumeravimus  
operationes, in ideis producendis conside-  
randisque maximam collocarunt operam,

C

eas

eas tamen sibi quasi relictas cædem destituunt ; hinc illas , quæ subsequuntur operationes , ex Ingenii felicitate ulterius augent , dirigunt , varieque componunt . Ad has spectat fictio , illa intellectus operatio , quæ omni studio & industria , ideas perceptas vario modo , auget , amplificat atque immunit , plures inter se conjungendo , novasque adjungendo , ut in illis componendis justa in rebus compareat ratio . In hac fingendi operatione maxime comparere debet ideæ convenientia cum re quam representat , ita ut intellectui exhibeantur plurimarum idea- rum rationes , quibus tamen non assentitur , sed ad plenioram rei illustrationem in sequentiis , ut & ad Argumentationis confirmationem , dexterime utitur . Alias enim si exhiberet atque produceret ideas male cum re exhibenda cohærentes , easque tueretur atque affirmaret , non potest non nisi morbus oriri , intellectum ita corrumpens , ut deinde erroneas & falsas ideas ipse pro veris habeat . Verum hujus operationis res usus usus sese commendabit ex eo , quod illustreret res variis modis , variisque ideis aliis , quas sub ratione similitudinis & contrarietatis adducit . Interdum quoque incidit in ea , quæ aptissima convenientia , ar- gu-

gumentationi præstabunt materiam , ita quidem ut firmiores exinde resultent ratios connectentes veritatem . | A fictione procedit intellectus ulterius ad idearum productarum Comparsationem , qua plurima objecta simul intueritur , eaque inter se confert , sine tamen rationis atque dispositio- nis exhibitione , qua in sequentibus persi- cientur ; Quia post fictionem in hac ope- ratione intellectus ita sese habere animad- vertitur , ut nec affirmet , nec neget , sed collatione tantum instituta , differat judi- cium , post alias adhuc operationes ple- nius formandum atque probandum . Pla- cet quidem Clariss . Syrbio ut & aliis nonnullis , ita hanc operationem describere , ut habeat respectum ad quantitatem , qualita- tem , tempus , locum aliasque circumstantias ; potest tamen & hæc essentiarum esse , quatenus illarum altera perfectior , altera imper- fectior est . Intellectum enim tam *Essentie* quam *Attributorum* convenientiam vel di- screpantiam animadvertere atque in ordine ad plurimas circumstantias cognoscere , non absolum est . Hinc etiam *Imaginatio in- tellectualis* , à mere *sensitiva* distincta , in componendis atque dividendis speciebus ver- satur ita , ut per conceptionem atque re-

præsentationem suam easdem vel à sensu  
 communi perceptas, vel à se formatas,  
 tam præsentes quam absentes, spirituales  
 atque corporeas, diutius restineat, diligenter  
 examinet, cum aliis combinet, variis  
 que aliis modis circa eas versetur. Atque  
 hæc quidem operatio, diversis de causis,  
 prioribus anteponenda videtur, quatenus  
 alias concipi nequit, quomodo aut specie-  
 rum sensibilium dijudicatio, quam sensus  
 communis præstat, hoc in passu à phanta-  
 siæ activitate differat; aut præcedentium  
 operationum collatio, ex ingenii facilitate  
 ad plenam objecti perceptionem institua-  
 tur atque procuretur. Hic enim intellectus  
 perspicacitate ingenii repræsentat, & velut  
 in speculo sub imaginibus imaginatur præ-  
 sentia non tantum à sensoriis exposita ob-  
 jecta; sed etiam absentium ideas quasi re-  
 coquit & instar præsentium sibi coram per-  
 spiciendas sistit. Quemadmodum igitur  
 constat idearum productarum amplificatio-  
 nem atque collationem felicissime procede-  
 re ex ingenii viribus; ita quoque omnes hæ  
 operationes sub *Ingenio* comprehenduntur,  
 quatenus nimirum sumitur sensu specialiori,  
 pro singendi, comparandi atque imaginandi  
 actu, & non in generaliori pro complexu  
 omniuum

*omnium intellectus virium.* In his enim operationibus Ingenium suam declarat cognoscendi celeritatem, promptitudinem atque facilitatem, quando nimis non solum ideas novas efformat, sed & efformatas congerit, sibique similes connetit.

§. V.

Præmissis his, *antequam intellectus evidenter sui objecti, primo intuitu obscuri atque cognitu difficilis, percipiat aut percipere in omnibus saltem confidat, ad trutinam quasi & lancem revocare illud solet, immo interdum debet, nisi certo constet, hac opera jam alio tempore nos esse defunctos.* Quæ operatio *Dubitatio* dicitur, & est illa *intellectus functio*, qua quis re accurate perpensa, & libratis utrinque rationum ponderibus, judicium suum suspendit, ex eo quod contrarias rationes aequalis ponderis esse existimat, donec id, quod sub considerationem cadit, præmisso debito examine, evidenter cognoscat atque perspectum habeat. Talis operatio necessario requiritur ante formationem Axiomatum de rebus, quæ vel minimum obscuritatis habent; nisi statim omnia, quæ intellectui objiciuntur, sine discrimine admittere, usum rationis velut ejurare, ac scilicet cognitioni renunciare

ciare velimus. In omnibus tamen non a-  
que necessariam esse æstimamus, sed *ex ob-  
jecti conditione definiendam agnoscimus.*  
*Quemadmodum nec asserimus statim negan-  
da esse, quæ hic in dubium vocare debent  
atque possunt, sed potius rem objectam,  
tanquam indifferentem, de qua in poste-  
rum ratio reddi debeat, considerandam,  
assensumque eo fine suspendendum, ut ac-  
curatius res expendatur, & solidior cogni-  
tio, quantam humana imbecillitas admit-  
tit, obtineri possit.* Huic succedit *Affirma-  
tio & Negatio seu idearum combinatio vel  
divisio;* quæ operationes sunt distincti ju-  
dicandi modi, quorum prior *ideam idæ attribuit*, quatenus scilicet hanc ad illam,  
tanquam ad suum subjectum pertinere con-  
siderat atque assentitur; posterior vero eas  
separat, atque dissensum alterius ab altera,  
*animadversa earum disconvenientia, testatur.*  
Hinc communi nomine *Judicium Axioma-  
ticum sive Noeticum* dicuntur; quia idæ  
inter se collatæ sunt materia, circa quam  
versatur judicium, cum eas vel jungit af-  
firmando, vel sejungit negando; ideoque  
*mutua vel conjunctio vel divisio idearum for-  
ma est judicii,* & sic uno quoque vocabulo  
recte comprehenduntur. Hæc operatio ve-  
rita-

ritatem sibi directe vindicat , & quasi occupat. Qui enim novit extrema idearum , fieri nequit, quin hoc ipso simul intelligat, sint ne dividenda vel componenda , & sic vera aut falsa. Hoc vero præstat *judicium*, cum nihil aliud sit , quam intellectus assensus vel dissentius , seu determinatio circa rerum quarundam habitudinem vere vel apparenter perceptam atque cognitam. Verum ut in sequentibus nobiliorem atque evidenterem adhuc veritatem cognoscat intellectus , immo ut veritatem omnem digne in suo genere suoque modo astimet , perpendat atque confirmet, *Abstractione* atque *Ratiocinatione* utitur. *Abstinctio* est illa intellectus operatio quæ actu cognoscendi atque contemplandi sit , ita ut quidquid intellectus commune esse anima revertit in rebus unius generis , sejungat à propriis , cum quibus vel idem sunt & nihil minus cum riadem unitate manent , vel etiam aliquo modo cohærent & conjuncte sunt. Usus hujus operationis constat , non tantum ex simplicissimarum idearum aptissima perceptione; sed etiam ex earundem commodissima attributione atque applicatione Hæc enim illa est functio sine qua non possint definitiones adornari , divisionis sieri , Argumenta specia-

cialiora inveniri, cuique disciplinæ certa atque formalis considerandi ratio constitui & ab aliis distingui. Ex his operationibus quarum numerum inivimus, restat ultima eaque perfectissima, quæ non solum ad multarum veritatum incognitarum inventio-nem, sed & ad cognitarum solidiorem no-titiā nos dicit, & dicitur *Ratiocinatio*. Alias etiam *Illativum* seu *Discursivum Judi-cium* appellatur, quia ubi due ideæ, etiam attentius consideratae non prius inter se con-gruere vel dissidere cognoscuntur, quam ter-tia quædam idea assumta, & cum duabus illis, sive seorsim sive conjunctim disposita fuerit; tunc, tertia illa notiori adhibita, aliquid ex connexione idearum, inter se co-harentium, vel non coherantium, inferi-mus, & judicii hujus vel illius rationem dis-cursive inquirimus. Et hæc fere est totius ratiocinationis quasi summa, processus at-que ratio. Hinc etiam illatio ista, vel discursiva veritatis inquisito, tanquam me-dia iudicandi forma est, & utramque, ut ajunt, facit paginam. Præter ejusmodi ap-probandi atque improbandi rationem, qua ratiocinatio juxta connexionem idearum, per tertiam assumtam, modificari debet: præter varia quoque *Ratiocinandi genera*,

quæ

quæ *Argumentationes* alias appellantur, tres ejus sunt *præcipui modi* sive *species*, quibus in invenienda veritate & docenda disciplina utimur, videli et 1. *inferens*, per discursum tam Naturalem quam Artificialem. 2. *Expli-  
cans*, partim affirmando convenientiam idearum primarum cum subjecto, de quo dicuntur, & dicitur *Definitio*; partim negando convenientiam idearum sive partium oppositarum & appellatur *Divisio*; partim examinando atque probando existentiam & essentiam rerum, quæ nominatur *Demonstratio*; partim quoque assensum præbendo de percepta convenientia verborum alienorum cum scopo & intentione Auctoris, quæ *Interpretatio* audit; tandem exponendo conceptus, idque vel actu discursivo, qui alias *Disputatio* est, vel alio actu docendi atque scribendi, qui *Communicatio* nuncupari solet. 3. *Ordinans* sive *Methodus*, quæ etiam est judicii species circa ordinem & cohærentiam variarum cogitationum, vel antecedentium ordinata repetitio & conjunctio potius, quam distincta aliqua operatio. Hæ enim ratiocinandi species non tam ratione formaliter quam objectis videntur diversæ; cum illæ, quas supra distinximus & separatim consideravimus, possint secundum rationem

juam formalem consistere sine altera. Ut autem specialiores illæ duæ, jam memoratæ intellectus actiones, *Memoria* nempe atque *Ingenium* quasdam operationes sub se comprehendunt; ita *Judicium Discretivum* di-  
cūm, ultimas has operationes, circa no-  
biliorem veritatis cognitionem atque pro-  
bationem occupatas, exactissime continet.  
Quia sic sese habet hujus *Judicij discretivi* a-  
ctus, qui *Distinctio* sive *discretio* alias dicitur,  
primum ideas perceptas componit per *assen-  
tum seu affirmationem*, separat per *dissentim-  
entem negationem*; ubi vero neutrum præstare  
potest, judicium suspendit per *dubitatem*,  
deinde unam sine altera considerat & appre-  
hendit per *abstractionem*, & tandem, omni-  
bus difficultatibus discussis, ex aliquo notio-  
ri colligit & infert aliud ignotum per *Ratio-  
cinationem*. Confer Hilling. in Inst. Log.  
& Syrb. in Philos prima. Patet ergo ex hisce  
jam dictis, non solum quæ operationes sub  
hoc specialiori intellectus actu comprehen-  
duntur, sed & quanta hujus præ ceteris sit  
præstantia, dum in intimiores rerum pro-  
cessus, promta ratiocinatione penetrat;  
quantamque ubique exerat vim in deciden-  
dis casibus, omnibusque rebus in ordinem  
redigendis.

## §. VI.

Hæ ferme fuere potiores intellectus nostri operationes, postulat ergo ordinis ratio, ut accedamus ad eas quæ operam suam communiter omnibus præstant. Quarum in numero præcipua est *Attentio*; ejus enim defectus non solum in caussa est, quo minus claras atque distinctas ideas semper sectemur, sed & plane impedit, ut intellectus operationes reliquæ, aut proflus exerceri non possint, aut nullius fere usus sint. Quando hæc decet aut impeditur, non intelligere dicimur, sed somniare, immo delirare vide- mur. Est igitur hæc *communis intell̄ctus humani operatio*, vel ut *Rötenbeccius* loqui amat, *Ministrum sive adjutrix, quæ omnibus operationibus obstetricatur & inservit*. Attentionem heic consideramus in *operatione sua*, cuius respectu ad intellectum unice referuntur, denotatque conversionem ejus ad ob-jectum certum & cum eo unionem; non ve- ro in *directione aut observatione*, quatenus attendimus, vel non attendimus, quia sic ejus exercitium à voluntatis dependet arbitrio atque Imperio. Quemodmodum enim attentio, in exercitio reliquarum operatio- num se ministram præbet; ita voluntas at-tentioni in ejus exercitio præst. Quemad-

modum *Attentio*, sic quoque *Methodus* in generaliori significatu, omnibus operacionibus intellectus inservit, easque facilitat, ut melius rerum veritatem vel ipsi assequamur, vel ad eam alios perducamus. Nihil enim Methodo in actione intellectus utilius, nil in opera sapientis jucundius aut admirabilius. Non solum consulit *Memoria*, ad rerum feliciorum apprehensionem, firmiorum contemplationem, ac promptiorem repetitionem; verum etiam *Ingenium* eximie juvat, *Judiciumque* reddit acutius. His vero duabus si adjungatur *Meditatio* rite instituta, non est dubium, quin intellectus multum valeat ad functiones suas peragandas contemplatio etiam rei seria exinde crescat & solidior veri acquiratur cognitio: Quod si autem iterata etiam fuerit, eo erit ad habitum perficiendum validior, quo cogitationes posteriores prioribus debent esse meliores. Quanto enim quis acrior & studiosior rerum existit indagator, & ita quidem, ut statim ab infantia rectae rationis usui assuetus atque deditus, meditationibus ubique indulserit, semperque ingenii sui vires, per varias rerum circumstantias exercuerit; tanto feliciorum successum in gradualis humanæ cognitionis perceptione semper animadver-

tet invenietque. Nuda naturalis sive aptitudo sive perspicacia hic non sufficit, nisi multijugi exercitatione, ut ad rerum quarumvis in dolem expeditius lustrandam adhiberi possint, eadem subigantur atque perficiantur; præsertim cum procedant melius quibus diu multum studii impendimus, & felicior sit rursus illa, qua lemel assuevimus via Omnium igitur cogitationum nostrarum accurata & diligens ad certas leges redigenda est directio, ut hac ratione veritatem eo facilius inveniamus. Ex imis quoque fundamentis repetendum, quod ad veritatis inquisitionem in litterarum cultura rationisque exercitio plurimum conferet. Et à primis statim infantiae annis incipendum, quod non uno temporis momento exhaustur, nec totius vitæ curriculo satis edoctum putatur. Sic omnia digne satis perficerentur, Deusque debitibus celebraretur pro his plurimis benigne satis nobis concessis donis. Cui & nunc & in æternum usque sit laus honor  
& gloria.



Til  
*Philosophie CANDIDATEN,*  
**Herr IOHAN FORTELIUS**

Då han

Uti Kongl. Academien i Åbo be-  
römligen om Förståndez werkan  
disputerade.

**V**år man hos sig wähl estertåneker/  
Hwad mycket godt oſ Gud har gjort;  
Så åro och förståndez plåneker/  
Hans egit vårek i alt så stort;  
At Sållheten derpå beror/  
Och derutaf mehr hōos oſ gror.

**H**err CANDIDATEN wisar detta/  
Gen sin wähl arbetad skriſt;  
Der i han oſ wil underrätta/  
Om Ginnetz och Förståndez drift:  
Han wisar der, at hwad han lärde/  
År honom af GUD sielf förårdt.

Jag önskar at han ock Ehr wille/  
Herr CANDIDAT nu låta få/  
Förtienta fructer af Ett snille/  
Ehem jag ock Ehr kan nästan spå;  
Ty Pallas Ehr en Lohn skal gie/  
Den man lär innan fort få see.

Med fägnad lemnade  
JEAN H. SVAHN.

IS

Monsieur

Les Operations de l' Esprit étans  
si ordinaires , & si absolument  
nécessaires dans le cours de la vie hu-  
maine , il seroit hors de saison d'ob-  
mettre cette belle matiere , sans la met-  
tre au jour . Et ayant apris que  
vous la traitès fort doctlement , je  
n'ai pû m' empêcher de vous témoi-  
gner ma reconnoissance , en vous fe-  
licitant de votre belle Operation d'  
Esprit , qu'un chaquun admire , &  
souhaitant qu' Apollon couronne dans  
peu votre chef de Lauriers . Je suis  
avec estime

Monsieur

Votre très obéissant  
serviteur

MARTIN SVAHN  
Fils de Jean.

Clarissimo Domino CANDIDATO,  
IOHANNI FORTELIO  
Ut Præceptor non ita pridem fidelis-  
simo , ita nunc Fautor atque  
Amico Certissimo.

Cum audirem Te , Clarissime Dn CANDIDATE, in publicam lucem dissertationem tuam Gradualem prolaturum, prætermittere non potui, nec debui, quin occasione hac longe gratissima, oratione omni licet destituta nitore, applaudentis fungerer officio : meumque in Te sincerum animum, pro benevolentia Tua, semper mibi declarata, testarer. Gratulor ideo, Clarissime Dn. CANDIDATE, quod animum applicueris Philosophiae & non sine fructu. Gratulor Parenti filium exoptatissimum. Gratulor Tibi novos honores, quos propediem adipisceris, summumque Numen calidissimis imploro votis, velit honesta tua conamina libi fortunare ut fructum jucundissimum in DEO & cum die capias, semper permansurus

NOMINIS TUI

Observantissimus  
NICOLAUS IDMAN.  
N. F. Sarag.